

## Skólaráð Naustaskóla

4. fundur ársins 2011 þann 13. apríl kl. 8:05

### Mættir:

Skólastjórnendur: Ágúst Jakobsson, Bryndís Björnsdóttir

Fulltrúar foreldra og grenndarsamfélags: Vaka Óttarsdóttir, Björk Guðmundsdóttir

Fulltrúar starfsmanna: Heimir Örn Árnason, Brynja Dögg Hermannsdóttir, Sandra Mjöll Tómasdóttir

Fulltrúar nemenda: Hrannar Þór Rósarsson, Tumi Hrafn Kúld.

### Dagskrá og afgreiðslur:

- 1. Skóladagatal.** Tekin fyrir drög að skóladagatali fyrir skólaárið 2011-2012. Breytingar hafa verið gerðar í samræmi við umræður á síðasta fundi varðandi viðtalsdaga o.fl. Nokkur atriði rædd t.d. vetrarfrí, tímasetningar starfsdaga o.fl. Hugmyndin er að kanna hug foreldra og starfsmanna til vetrarfría í spurningakönnun nú á vordögum. Tímasetningar starfsdaga stafa að miklu leyti af samræmingu við skóladagatöl annarra grunnskóla og leikskóla sunnan Glerár. Ákveðið var að hafa "opna viku" einnig á haustönn (10-14. október) og hafa jólaþemadaga frá og með 5. desember. Skóladagatalið afgreitt með þessum breytingum. Það fer svo til skoðunar og vonandi staðfestingar hjá skólanefnd bæjarins.
- 2. Næsti vetur.** Rædd hugmynd að skipan kennsluteyma fyrir næsta vetur. Ráðnir verða a.m.k. 3 nýir kennarar að skólanum. Núna hafa 229 nemendur verið innritaðir. Rætt um þær forsendur sem lagðar eru til grundvallar þegar kennurum er raðað upp í teymi. Horft er til ýmissa þátta s.s. að einhver úr hverju teymi fylgi nemendum sem færast milli aldursstiga, að styrkleikar kennara nýtist í teymisvinnunni, óskir um starfsþróun eru teknar með í reikninginn o.fl. Fram kom sjónarmið um að horfa þyrfti enn frekar til þess að kennarar fylgi árgöngum, þannig að foreldrar geti átt kost á sama umsjónarkennara lengur en í 1-2 ár. Stjórnendur munu setja þá ábendingu bak við eyrað. Lausar kennarastöður hafa verið auglýstar og er umsóknarfrestur til 3. maí. Að þeim tíma loknum mun verða haft samráð við skólaráð um ráðningarnar. Rætt um stundaskrárramma næsta vetrar, hann verður með svipuðu sniði og nú í vetur, allir með frímínútur og matartíma á sama tíma. Bent á þann möguleika að kennarar séu sveigjanlegir hvað varðar frímínútur o.fl., að hægt er að flýta frímínútum eða seinka eftir því hvaða vinna er í gangi, þetta þarf þó að gera í góðu samráði við gæslufólk.
- 3. Mötuneytismál.** Athugasemdum sem fram komu á síðasta fundi var komið á framfæri við matráð. Ekki talin ástæða til að ræða málið frekar á þessum fundi eða fá matráð á fundinn. Auglýst verður eftir starfsfólki í eldhús á næstunni, stjórnendur Naustatjarnar og Naustaskóla munu hafa samráð um ráðningar.
- 4. Mál frá fulltr. foreldra.** Rætt um uppsetningu stundaskrár t.d. hvort mögulegt sé að skipuleggja þannig að "þungir" tímar séu í framhaldi af hreyfitímum o.fl. Einnig rætt um útikennslu, hún verður í höndum kennarateymanna næsta vetur, þeirri hugmynd varpað fram að hvert teymi setji sér viðmið um útiveru og notkun umhverfisins í kennslu, verður

rætt nánar á fundum kennara. Umræðan leiddist svo út í hugmyndir um uppsetningu stundaskrár unglíngastígs í framtíðinni, þ.e. að setja hana upp þannig að nemendur eigi val um hvort þeir mæta snemma að morgni og eru búnir snemma að deginum eða hvort þeir mæta seinna að morgninum og ljúka seinna að deginum. Þetta er hugmynd sem verður skoðuð vel fyrir haustið 2012.

5. **Vorhátíð.** Óskað eftir að hverfisnefnd og foreldrafélag tilnefni fulltrúa í undirbúningsnefnd vorhátíðar, en hátíðin er dagsett 27. maí nk.
6. **Starfsáætlun skólaráðs.** Frestað til næsta fundar.

Næsti fundur er áætlaður miðvikudaginn 11. maí. Þar verða tekin fyrir ráðningamál og skipan kennarateyma, starfsáætlun skólaráðs, sjálfsmatsmál (niðurstöður kannana og samtala auk skorkorts), vorhátíð og starfsáætlun Naustaskóla 2011-2012 (fyrstu drög)

Fleira ekki tekið fyrir,  
Ágúst Jakobsson ritaði fundargerð